

Patxi Eugik uste baino errazago gainditu zuen Asier Olaizola Muskizen

Mikel Unanuek Urionaguena kanporatu zuen, partidu erdialdean min hartu zuen arren

Ez zen ezustekorik izan atzo Muskizko frontoian. Izan ere, Patxi Eugik eta Mikel Unanuek hasiera batean uste baino errazago gainditu zituzten aurkariak. Hurrengo kanporaketan Ariznabarreta eta Retegi izango dituzte aurrean, hurrenez hurren.


Asier Iturriagaetxebarria / Bilbo

ASKO ESPERO zen Patxi Eugik eta Asier Olaizolak jokatu zuten partiduaz, baina azkenean Eugik bere maila erakutsi zuen, eta Goizuetaoari oraindik zer ikasia baduela gogoratu zion. Azken emaitzak (22-7) kantxa barruan zer gertatu zen ondo islatzen du. Agoiztarrek hasieratik erakutsi zuen bien artean alde handia dagoela oraindik eta oso erraz kanporatuko zuela Olaizola.

Eugik oso indartsu ekin zion norgehiagokari, Olaizolari inolako aukerarik eman gabe. Horren eredu da 17-1 aurreratuta izan zela. Momentu horretatik aurrera bakarrik lasaitu zen Eugi, eta Olaizolak zazpigarren kartoiara iristea lortu zuen horrela. Zalanitzak zeuden Agoizkoaren jokoa ona izango zen edo ez. Izan ere, Asegarecek antolatu duen lau t'erdiko txapelketa ezin izan du behar bezala prestatu, eskuetako mina zuela eta. Baina partidua hasi bezain laster ikusi zen ondo zegoela, eta pilotakada luze eta ongi zuzenduekin Olaizolaren konfiantza txikitzea lortu zuen.

Olaizola ez zen ondo aritu, batez ere sakeak ekartzen. Eugik zazpi sake sartu zizkion. Urdurieg aritu zen, eta ez zuen maila erakusterik izan. Baina aurrera jarraitu behar du, bera baita etorkizunean goian izango diren pilotarietako bat, Neurketak 32 minutuko iraupena izan zuen, eta 172 pilotakada gurutzatu zituzten.

Unanuek erraz garaitu du Urionaguena • Mikel Unanuek ere



Patxi Eugik ez zuen inolako arazorik izan lau t'erdiko txapelketako partidua irabazteko.

JACOBA MANTEROLA

hasiera batean uste baino errazago irabazi zion Iñaki Urionaguenari (22-9). Eta hori, neurketaren erdialdera eskuineko hankako abduktoreetan zaintiratu izan zuela. Añorgakoak partidu amaieran aitortu zuenez, 11. tantoan hanka minduta zuela konturatu zen, baina hamalagarren tantora arte ez zen inor konturatu. Momentu horretan aldageletara sartuz zen, eta Urionaguena aurkariak zerbait zuela konturatu zen. Baina, añorgarren zorionerako, Abadiñoako aurrelari txikiak ez zuen bere aukera aprobetxatzen jakin izan. Errematazterako orduan ez zen batere fin aritu, eta Unanuek duen esperientzia zabala erabili zuen hurrengo kanporaketara pasatzeko. Hor Julian Retegi txapeldun handia izango du aurrean. Partidu bikaina, beraz, hurrengo jardunaldian ikusi ahal izango dena.

Neurketa biak Muskizeko Donibane pilotalekuan jokatu ziren. Bizkaiko zaleen erantzuna bikaina izan zen, frontoia beteta izan zelako. Beharbada, pilotazaleen artean dohainik eman zen txahal erreka jendea Muskizko frontoira erakarri zuen. Partiduak hasiera oso bitxia izan zuen. Lehendabiziko sakea egitea Iñaki Urionaguenari egitea egokitu zitzaion, eta aspaldian pilotalekuetan ikusi ez den jokaldia egin zuen: txokotik zabalera sakea ateratzea. Kontuan izan behar da Unanue ezkerre dela, eta Abadiñoakoak eskuin alde horretan egin nahi zion min. Baina lehendabiziko tanto horretan etekina ateratzea lortu bazuen ere, hirugarren sakea atera ostean taktika hori uztea erabaki zuen Unanueren erantzun onak ikusita. Abadiñoakoak sakez tanto bat lortu zuen bitartean, Unanuek lau sartu zizkion;

gehienak ekartzeko moduko sakeak baziren ere.

Unanue eta Urionaguenaren artean, boxeoan gertatzen den bezala, kategoria ezberdinak daude, eta bi pilotari hauek kategoria ezberdinetan egiten dute borroka. Eta hori behar baino gehiago antzeman zen Donibane pilotalekuan. Añorgako aurrelariak ez zuen beste munduko jokorik erakutsi, baina Urionaguenak baino patxada gehiago izan zuen tantua amaitzeko orduan.

Urionaguenak presio handiagarekin ekin zion partiduari, itxuraz behintzat, alderantziz izan behar zuenean. Unanuek, aldiz, bere esperientzia erabili zuen momentu zailetan partiduari eusteko, eta azkenean garaipena eskuratzeko. Partiduak 54 minututako iraupena izan zuen, eta 312 pilotakada eman zituzten bi pilotariek.

Santo Domingo de la Calzadan eta Eibarren torneo eta Ekoran txapelketa

Erredakzioa / Donostia

LAU T'ERDIKO torneoko hurrengo kanporaketan Fernando Arretxeren aurka norgehiagokatu den gaur erabakiko da, Santo Domingo de la Calzadan, Alustiza eta Bernaren arteko partiduan. Hori izango da Errioxan torneoko gaurko neurketa bakarra. Capellane eta Santik elkarren aurka jokatu beharrekoa bertan behera gelditu baita, Capellani eskuineko eskuan zuen kailu bat ireki eta lesionatuta gelditu delako. Ondorioz, torneoko arautegiaren arabera, Santi automatikoki pasatzen da hurrengo kanporaketara. Titin III.a aurkari duela.

Martin Alustizak gaurko partidua irabazteko gogo bizia du. Hori lortu eta gero, Arretxe txapeldunaren aurka eroriko balitz ere -haren nagusitasuna inor gutxik jartzen du zalantzan-, nahikoa egingo luke segurarrak. Gaurko partiduan Berna aurkariaren etxean, Errioxan, jokatu beharko du gipuzkoarrak. Alustizaren torneoko lehen partidua da gaurkoa. Bernak, aldiz, Koka garaitu behar izan zuen aurreko kanporaketan. Ez bata ez bestea ez dira lau t'erdian espezialistak. Errioxarra Kokaren aurka ondo ibili zen, baina Alustizak final-zortzirenetara igarotzeko irrikan dago. Partidua 17:00etan hasiko da.

Astelena frontoian jokatuiko dira gainerako bi partidua: Errasti Etxanizen aurka eta Galarza III.a Armendarizaren aurka. Errasti lehen aldiz ariko da torneoan; Etxanizek, berri, Taberna nafarrari 22-6 irabazi zion aurreko norgehiagokan. Errastik azken hilabeteetan ez du asko jokatu eta kontu handiz ibili beharko du Etxanizekin.

Euskadiko Lau t'erdiko Txapelketak Arabako Ekoran izango du bigarren partidua: Salaberri eta Astarloaren artekoa. X



BIZKAIA

irratia

BAKARRA !

F.M. 102.6